



Pou Piblikasyon Imedya: 10/10/2023

GOUVÈNÈ KATHY HOCHUL

**GOUVÈNÈ HOCHUL MANDE POU DRAPO YO FLOTE A DEMI MA AN MEMWA
LAVI KI PÈDI YO NAN DÈNYE ATAK TEWORIS YO KONT IZRAYÈL**

Gouvènè Kathy Hochul te anonse jodi a ke drapo sou biling Eta a yo pral flote a demi ma apati mèkredi 11 oktòb an memwa lavi ki pèdi yo akòz dènye atak teworis yo kont Eta Izrayèl.

"New York kanpe an solidarite ak pèp Espay la ak kominate Jwif la", **Gouvènè Hochul te deklare**. "Mwen fyè pou m sèvi New York kòm Gouvènè eta ki se abri pou pi gwo popilasyon jwif la andeyò Izrayèl epi mmwen pran angajman pou m fè tout sa ki nan pouvwa mwen pou asire kominate sa a jwenn sipò ak pwoteksyon jodi a ak chak jou".

Apre atak teworis an Izrayèl semèn pase a, Gouvènè Hochul te mande Lapolis Eta New York pou yo ogmante patwou yo ak sansibilizasyon yo epi renouvele apèl yo tou bay konpayi rezo sosyal yo pou yo ogmante moderasyon platfòm yo pou anpeche pwopagasyon kontni sou rayisans yo. Nan samdi, Gouvènè Hochul te mande tou pou moniman istorik nan Eta New York yo limen an ble ak blan an solidarite ak Eta Izrayèl.

Gouvènè Hochul te pale tou ak yon bann lidè nan kominate Jwif la ak responsab eli yo pou ofri sipò pandan moman kritik sa a epi ap travay ak Depatman Deta (Department of State, DOS) Ameriken pou asire Nouyòkè yo k ap vwayaje aktyèlman pou ale Izrayèl kapab retounen lakay yo an sekirite.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)